

卷三十一

書名 小倉山房詩集三十六卷 咸豐元年序番禺謝氏梅花詩屋刊本
 撰者 清 袁枚 撰，清 謝有仁 注
 卷 卷三十一
 內容分類 集-別集-清中葉前期
 索書號 夕嵐草堂.S4103
 編號 90434

[彩色首頁1](#)

[東洋文化研究所漢籍目錄 編號: 90434](#)

[東洋文化研究所漢籍目錄所藏漢籍善本全文影像資料庫 索書號: 夕嵐草堂.S4103](#)

[漢籍善本全文影像資料庫文本小倉山房詩集三十六卷 咸豐元年序番禺謝氏梅花詩屋刊本](#)
 版權所有: [東京大學](#) [東洋文化研究所](#)

[使用上的注意事項](#)

小倉山房詩集卷一 丙辰丁巳

番禺謝有仁靜山註

男鴻恩堯階校字



錢唐江懷古

注上錢王舊蹟多我來重唱百年歌勸王妙選三千弩

不射江湖射汴河

錢王

蘇軾游靈隱寺得來詩復用前韻詩君不見錢塘湖錢王壯觀今已無

百年歌

樂府詩集陸機百年歌十首五代史唐莊宗紀初
 克用置酒三垂岡伶人奏百年歌時存勗在側方
 五歲克用慨然將其鬚指而笑曰吾行老矣此奇
 兒也後二十年其能代我戰於此乎及天祐五年
 攻梁夾寨伏三千弩蘇軾八月十五日看潮五絕
 兵於此破之三千弩詩安得夫差水犀手三千強
 弩射潮低案吳越備史梁開平四年八月錢武肅
 始作捍海塘王因江濤衝激命強弩五百以射潮
 頭既而潮汴河在開封府滎陽縣達
 遂趨西陵汴河府城西至中牟界
 附錄隨園詩話或嘗

小倉山房詩集卷一 梅花詩屋

作四首

袁郎詩為霞裳補作

有序

騎牛

穀雨雪

小倉山房詩集卷三十一

乙巳丙午

番禺謝有仁靜山註

男鴻恩堯階校

乙巳元旦舟中與霞裳聯句

舟中度元日江上領春風宿雨猶霑樹

袁

朝陽乍出宮

喜無賀歲事

劉

轉有賦詩功家近心猶急

袁

天遙霧正

濛開窗迎紫氣

劉

解纜促篙工寸步行皆喜

袁

千山看

未終醉人眠舵側

劉

爆竹響波中吉語時聞耳

袁

祥麟

替轉蓬遠村梅蕊白

劉

隣舫髻花紅伐鼓兒童競

袁

敲

棋師弟同紀年更甲乙

劉

認水辨西東想見深閨裏金

錢卜幾通

金錢卜

唐于鵠江南曲衆中不敢分明語暗擲金錢卜遠人

新正十一日還山

自覺山人膽足夸行年七十走天涯公然一萬三千里
聽水聽風笑到家

聽水聽風

見卷八長安知交寂寥與歐陽臨川相
得甚權歐攝篆延長余作詩送之第一

注首

迎門兒女慶團圓隣里爭當遠客看不是桃源真福地
如何雞犬盡平安

香雪階前撲面飛喜從香裏解征衣老妻指向諸姬笑
不爲梅花尚不歸

一雙孔雀艷歸裝惹得傾城士女狂爲要誘他開翠尾
麗人來往盡濃粧

賓客連宵坐滿庭問山問海問花名急抄詩與諸公讀

省得衰翁說不清

重理殘書喜不支一言擬告世人知莫嫌海角天涯遠
但肯搖鞭有到時

七十生日作

士龍百年歌七十始長嘆可知上壽難古人見詞翰我
今危得之自取平生按解龜四十年著述百餘卷多少
顯榮人隨風作雲散而我獨迢然青蓮畱一瓣愛惜一
山雲不肯三公換悟徹萬緣空不屑空門竄食不喜重
味而恰精肴饌氣不識金銀而亦多清玩心安身卽行
陰陽非所憚理足口卽言往往翻前案樂自尋孔顏學

不拘宋漢新從兩粵歸萬里江山看攬揆三月天滿園
春色爛偕老妻尚存遲生兒亦卯奚僮蒼頭多諸姬白
髮半開池成巨波種松成古幹弟子來英英老夫時灌
灌夷甫尚鮮明韓嬰頗精悍雖乏李清繩遽把仙凡判
且學魯季孫六櫃東門辦住隨白日留去憑天公喚詩
成鳥共吟酒到花能勸忘老當作孩視昏猶若且厭聽
麥邱祝自作東方贊

士龍二句

士龍乃陸雲字此當作士衡案陸機字士衡有百年歌其七云七十時精爽

頗捐膂力愆清水明鏡不欲觀臨六櫃左傳初李樂對酒轉無歡攬形修鬚獨長歎六櫃於蒲圃東門之外注蒲圃麥邱祝新序桓公邱見麥邱邑人問之曰年幾何對曰八十有三矣公日子其以子之壽祝寡人麥邱邑人曰祝王君



使王君無羞學無惡下問賢者在旁諫者得人桓公曰善扶而載之自御以歸禮之於朝封之以麥邱而斷政焉 李清 見卷廿九 東方贊 見漢書東方朔傳

不染鬚

留鬚鑷鬚染鬚都有詩四十年來能幾時今年七十染
不必一白而已鬚事畢記得當初未有渠意氣凌雲渺
八區一回吟咏一回老不惱韶光只惱鬚我既不能諱
老求官祿又復不能煖老求燕玉有如孀婦此心灰永
不粧臺理膏沐人言本色是英雄我恰掀髯笑未終二
十一科黃榜客捫心可是白頭翁莫嫌老去人無用有
招此輩來與一餐鎖向書倉管書蠹 此二句與上不接當有缺文

燕玉

杜甫詩煖老思燕玉充饑憶楚萍丁鶴年詩煖老恨無燕趙玉

戲夢樓

夢樓見佛不見我一望蒲團頭欲墮鄙人見我不見佛
行遍香臺不作揖君不必爭佛有我不必爭佛無只問
此中方寸意何如請看世上尊官貴人亦儘有我果無
所求則亦視有如無免應酬

遣懷雜詩

一笑老如此作何消遣之思量無別法惟有多吟詩譬
如將眠蠶尙有未盡絲何不快傾吐一使千秋知
蚤貴如蚤起所見人事多蚤退如蚤眠心神常安和吾
生有天幸熊魚竟兼兩每聞宦海波設想吾其倘
雨脚三月斷火龍當空蟠偶有一片雲狂風驅還山老

人苦炎蒸風前將書攤磨墨如車水隨車隨時乾筆燥
觸紙響何能生文瀾硯田尙如此農田更可嘆願揮渾
身汗當作時雨頒

萬物蟄於冬而我蟄於夏赤帝一當關羣客可以謝我
其陳疇歟蒙頭不出舍書卷盡情翻衣冠終日卸平生
所著述往往趁此暇可奈正憑欄秋隨一葉下

陳焯 見卷十六用定聲錄
韻贈周青原詩注

女媧搏黃土濛濛沙塵飄百千億萬年回轉無停鑣而
我生其間泰山一鴻毛雖則一鴻毛矜矜頗自豪三十
蚤歸田二十蚤登朝在邦無怨尤在家無喧呶逢花皆
采折無山不遊遨李杜韓歐蘇相逢足解嘲官或比我

尊壽都輸我高誰是七十翁握筆猶嗚嗚

女媧句 李白樂府上雲樂女媧戲黃土搏作愚下人

凡才欲其大凡志欲其小才大事易辦志小量易飽譬如挽強弓我力十餘石情願挽九石其氣恬以舒君看韓彭輩不如滕與薛更看袁公路不如黑山賊阿斗與黃奴以懦全其生李志與曹蜍以庸傳其名

袁公路 魏志袁術字公路 黑山賊 魏志張燕傳燕眾至百萬號曰黑山後袁紹與

公孫瓚爭冀州燕遣將助瓚與紹戰為紹所敗人眾稍散案袁紹字本初今作公路疑誤阿斗蜀後主禪小字阿斗孟達與劉封書自立阿斗以來可為寒心黃奴南史陳後主小字黃奴宣曹蜍句世說庾道季云廉頗藺相如帝長子也曹蜍句雖千載上死人懍懍恆如有生氣曹蜍李志雖見在厭厭如九泉下人

一見動相慕未見蚤相惡問其所以然有緣無緣故緣法苟未終臨死補一面如其無緣者抵死不相見豈徒今人哉於古亦如此或佞我愛之或賢我不喜緣之所由來其中豈無因知者其天平板板偏不言

竇融在河西光武欲招之適融遣使來彼此歡不支隗囂亦遣使中途被讐殺遂致生釁端彼此兩不察其一富貴終及其子若孫其一勤干戈禍至滅其門其時佛未來緣法已如此佛因敷衍之曉人當如是

竇融四句 後漢書竇融傳融遣長史劉鈞奉書獻馬先是帝聞河西完富地接隴蜀常欲

招之以通囂述亦發使遣融書遇鈞於道即與隗俱還帝見鈞歡甚禮饗畢乃遣令還賜融璽書 隗囂四句 後漢書隗囂傳囂復遣使周游詣關先到馮異營游為仇家所殺帝遣衛尉鉞期持

珍寶繪帛賜囂期至鄭被盜亡失財物帝常稱囂
長者務欲招之聞而歎曰吾與隗囂事欲不諧使
來見殺得賜
道亡云云

宋儒談性理漢儒談典章或疑尚書偽或道周官亡聚
訟數千年長夜無燭光我聞沮渠遜言人浮海洋親見
孔聖人絃歌聲未央七十二弟子羅立自成行何不往
詢之所苦無舟航傷哉觸觸生捕影枉自忙雖有記事
珠不如返魂香

有心積陰德殊非高士懷而况讀葬經貪鄙尤可哀古
有端木叔六十而散財彼豈真老悖不念子孫哉實見
身後事非我所安排宣尼大神聖晚年伯魚災昭王溺
於楚成康非禍胎看破此機關浩浩與天偕出門不選

日入廟不持齋陰陽非所忌仙佛難我給隨雲去處去
隨風來處來

明月幾時有問天天不知縱云有開關開關始何時往
往眼前事考究無窮期與其張目想兀兀發狂癡不若
合眼眠一笑姑置之

少年愛讀書硜硜守章句衰年愛讀書消遣領其趣雖
然讀輒忘過眼皆吾有書味在胸中甘於飲陳酒

漢有符節郎請發不韋墓謂是秦火前所藏多竹素求
書至發冢蚤被莊周譏我意覺可惜發或竟得之不見
陳伯茂曾發郗曇墳大獲右軍書幅幅生煙雲

鋤地得寶者斷非望氣掘世世出公卿不聞謀吉穴彭

鏗壽最長何曾談服食百戰百勝將兵書字不識天之
所付與不必人營謀何苦蚩蚩氓奔如燒尾牛知進不
知退力欲爭上流豈無烘開花一開花已休

代公未遇時盜鑄畧人口及其成大功黃龍且授首國
奢竇懷貞無恥眾所訾及其簿錄日俸外少餘資盧杞
亂天下家無妾媵妍杲卿大忠烈乃索花粉錢寄語腐
儒輩觀過於其黨放開眼界寬流覽史書廣

代公四句

唐書郭震傳十八舉進士為通泉尉任俠使氣撥去小節嘗盜鑄及掠賣部中

口千餘以餉遺賓客百姓厭苦後封代國公

國奢四句

唐書竇懷貞傳會歲除中宗夜

宴近臣謂曰聞卿喪妻今欲繼室可乎懷貞唯唯俄而禁中寶扇郭衛有衣翟衣出者已乃章后乳媪王所謂莒國夫人者故蠻婢也懷貞納之不辭又避后先諱而以字稱世謂媪壻為阿奢懷貞每

謂見奏請輒自署皇后阿奢而入或謂為國奢軒然不慙以自矜於后然生平所得俸祿悉散親族無畱畜敗時唯粗米數石而已

劉誠允善飲苦無酒伴陪或薦一軍校可以千百杯問
其量何如曰醉不敢放愈到沉酣時愈作謙謹狀劉乃
笑搖頭此未足為量凡事一改常識者所不尚

嘉祐頒陣圖德用諫不可道兵貴神速泥古恐相左錢
乙善醫疾往往心忖量道是病萬變不可拘古方觀此
二公言可悟作文術提筆學化工一味活潑潑

貪生學仙少畏死學佛多生死兩相忘仙佛如余何我
道佞佛者其人必諂諛未知靈與否尙向木偶趨奚况
權貴門炙手可熱歟

邢尹一相見涕泣服其美賈充郭夫人見李屈膝矣青蓮服崔顥不敢再題詩李邵愧劉蕡登科願讓之真美人才子大抵心多虛木虛為琴瑟竹虛為笙竽後代妄庸人不肯為人下山膏形如豚厥性但好罵

山膏 見卷三十禰衡墓詩注

侂冑魏公孫並非宦寺流伐金雖賈禍志在復國仇偶作南園記思擬晝錦堂不喜鄭棫作而慕放翁名出其四夫人玉手擎杯觴下士肯如此便是為善資毋怪放翁作勤懇加規詞一朝事機失頭顱敵國葬士論羣吠聲放翁名節喪豈知論成敗所見尤卑庸符離大喪師謀者張魏公何以不加誅人異事則同太邱弔張讓不

失為君子一切苛刻論都從宋儒始

侂冑 詳宋史韓侂冑傳 南園記 宋史陸游字放翁晚年再出為侂冑撰南園閱古泉

記見譏張魏公 宋史張浚傳浚封魏公銳意用兵與史浩爭論於帝前詰難凡五日

浩委曲勸浚浚默然明日浚奏浩意不可回惟陛下英斷帝於是

不由省院徑檄諸將出師及師至符離大潰

後漢書陳實傳實嘗為太邱長上表待罪

太邱句 後遇中常侍張讓父死歸葬穎川雖一郡畢至而名士無往者讓甚恥之實乃獨弔焉及後復誅黨人讓感實故多所全宥

青耕能禦疫跂踵好降災窮奇見善去鮭魮觸邪來物性大不齊人性亦參半所以孔子言上智下愚判子輿

道性善學孔翻孔案

青耕句 山海經革理之山有鳥狀如鵲青身白喙白目白尾名曰青耕可以禦疫其名自叫

跂踵 跂又作企山海經復州之山有鳥焉其狀如鵲而一足翚尾其名曰企踵郭璞蜚贊蜚則

災獸企窮奇東方朔神異經西北有獸狀如虎有翼能飛便勦食人知人言語聞人鬪
踵厲深者聞人忠信則食其鼻聞人
輒殺逆不善則殺獸往饋之名窮奇
鮭鮓與獬豸同能觸

漢有崔子玉隨官葬洛陽唐有辛藏之亦葬萬年鄉道
死果有知吾豈守墓者如其死無知枯骨何取捨我意
亦如此隨園旁起墳雖學羸博達終愧首邱仁

羸博本禮記檀弓

報德必以德聖人有明言宋人獨反之攻擊先恩門魏
公薦王陶陶劾其縱恣歐薦林之奇林發其陰事允文
薦蕭杲杲乃首疏彈旁有朱晦翁嘖嘖加贊嘆嗚呼報
施絕忠孝何由來且冷朝士心何人肯愛才惟有范文

正大賢獨多情一受元獻薦終身稱門生

屋造鼠卽至池開魚卽生問其所由來蹤跡不分明大
抵天地間氣化先形化青寧程馬間生生相代謝洪荒
無匹偶人類自萌芽伊尹生空桑詰汾無母家母當作婦

程馬句莊子青甯生程程生馬馬生人人又反入於機注青甯程皆蟲名馬人皆草生入於機言歸於盡也空桑本呂氏春秋詰汾魏書聖武帝諱詰汾諺云詰汾皇帝無婦家

人言晚景佳恰比少時好我意道不然行樂還須蚤譬
如美衣裳少艾可光軀老雖著金紫不稱白髭鬚又如
美飲食壯佼不嫌多及其既衰矣未饜腹已皤我少雖
好學無力購書看而今眼昏花萬卷徒空攤又嘗思窈
窕貧莫能致之而今作枯楊生稊亦可嗤所以徐諤言

人生壽七十生長富貴家一日抵兩日

夢遊淡巖石上鐫此四句

一回開闢一乾坤物換星移日日新盤古如麻朝玉帝
不知誰是領班人

題鄒若泉牧羊圖

白草黃沙望眼迷荒荒落日雪山西羣羊似解孤臣意
翹首南雲一剪齊

李迪丹青筆最超鄒生粉本更親描擬教添个蘇卿婦
幾點胭脂染節毛

蘇卿婦

漢書蘇武傳武日前發匈奴時胡婦適產一子通國

誰家

誰家低唱玉瓏玲流管清絲夜不停一曲歌終人一世

那堪頭白客中聽

瓏玲

元稹重贈樂天詩莫遣瓏玲唱我詩

哭陸朗夫中丞

持節長沙有正人泊舟野叟謁清塵誰知望重蕭夫子
蚤識風流賀季真傾蓋未消衡嶽雨停春已失楚江春
傷心萬里西征賦爲了三生一見因

栽樹自嘲

七十猶栽樹旁人莫笑癡古來雖有死好在不先知
哭蔣心餘太史

西江風急水搖天吹去人間老謫仙名動九重官七

品詩吟一字響千年空中香雨金棺掩帳下奇兒玉笋
聯如此才華埋地底夜深寶劍恐騰煙

君家花裏別君時君起看花力不支三月一慟自知無

見理九原還望有交期應劉並逝空存我李杜齊名更

數誰教作藏園詩稿序已成未寄倍淒其

自驚

蕭蕭落葉滿階庭冉冉流光老自驚世事過來惟有夢

古人一去總無聲千年仙鶴歸何晚兩個金丸打不清

悟得輪回文字孽張衡才死蔡雍生

張衡句 見卷二十四
簡齋印詩注

哭章公子

傳來消息滿城悲玉樹凋傷第二枝心力豈緣書局盡

姓名已受 聖人知 公子纂修四庫
書議敘員外 蘭方飲露花先隕

鶴正凌霄翅忽垂從古天心忌才子不教終賈髻如絲

跋扈飛揚氣絕羣偏於野叟最殷勤每吟佳句先呈我

豈料衰年反哭君賴有舒祺延弱息更無阿鶩嫁秋雲

而翁倘作西河慟莫遣堂前大母聞

跋扈飛揚 北史齊神武帝紀侯景專河南
四十年常有飛揚跋扈之志 舒祺 戰

策觸龍曰老臣賤息舒祺願
令補黑衣之數以衛王宮 阿鶩 見卷四哭蔣靜
存編修第四首

詩注

香亭卓薦後欲賦遂初忽以前任霍邱事鐫級聞

其歸舟已過峽江喜而有作

聽說君歸喜欲顛更聽君到峽江邊去官難得因微罪
行樂公然尚壯年骨肉兩家人健在星霜五載夢纏綿
開窗屢探春風色月照荆花影又圓

代謀精舍老身忙硯北溪南費酌量陸賈裝雖無巨萬
阿連居要有池塘水邊斑管高吟處竹裏棋枰小戰場
淮擬安排來告汝白頭一笑共扶將

端江作別泪交流那料重逢歲兩周雲路似君真可惜
風帆依我竟須收大府出考語甚佳門前五柳心思種海上三

山浪打舟天意玉成知感否好燒紅燭夜同遊

從此青溪水不寒高風六代有人攀陸機文史東西屋
何點琴尊大小山棠棣花雖兩處種桃源門可一家關

唐生相我言如驗五載猶能作往還相士胡文炳相余六十三歲得子壽

七十六其一已驗

東西屋世說蔡司徒在洛見陸機兄弟往參佐解中瓦屋三間士龍在東頭士衡在西頭

大小山南史何允以會稽山多靈異往遊焉居若耶山雲門寺初允二兄求點並棲遁求先

卒至是允又隱世號點為大山允為小山

袁郎詩為霞裳補作有序

在粵東時袁郎師晉年十七明慧善歌為吳明
府司闈乍見霞裳推襟送抱苦不得一露接再
三謀得私約某日兩情可申忽主人奉大府檄
火速鑿行郎不得留與霞裳別江上涕如縷糜
余思兩雄相悅數典殊希為補一詩作桑間濮

上之變風云

珠江吹斷少男風
珠淚離離墮水紅
綠淺變能生頃刻
情深誰復識雌雄
鄂君翠被牀才疊
荀令香爐座忽空
我有青詞訴真宰
散花折柳太匆匆

少男風

魏志管輅傳注清河旱倪太守問輅雨期輅言樹上已有少女微風樹間陰鳥和鳴又少男風起眾鳥和翔其應至矣須臾果大雨

騎牛

騎馬上林街
騎鶴揚州市
平生兩願都已償
惟有騎牛身未試
塌來鄉間逢水牛
相牛之背笑不休
此是人間安穩處
七十老翁有所求
呼僮扶上不施鞚
牛亦相憐身不動
雨笠煙蓑汝慣馱
褒衣大袍毋乃重
鞭之不前

行徐徐此牛腹中似有書
聽之黃鐘滿脰鳴
此牛曾否三犧生
可見世間萬事學難了
騎牛未必牛道好
但願他生一日作牧童
絕勝終朝牽鼻為三公

褒衣大袍

昭音紹綺襜也前漢書朱博傳博遷太守太守敕功曹官屬多褒衣大袍不中節度自令掾吏衣

三犧

左傳介葛盧來朝聞牛鳴曰是生三犧皆用之矣

腹中有書

史記武帝拜少翁為文成將軍歲餘其方益衰乃詐為帛書以飯牛伴不知言

黃鐘句

管子地員篇凡聽宮

穀雨雪

原本二首其二乃卷三十贈折霽山明府之第四章也故刪去

重陽雪穀雨雪兩年下雪非時節
菊花秋草尚禁寒
海棠嬌紅定愁絕
老農老圃爭致詞
春行冬令非所宜
各

持天官書一冊按歷書雲占驗之我道萬事總憑天作
主無心成化本如許若教板板循規矩天不作天讓與
汝

小倉山房詩註目錄

卷三十二

春日偶吟十三首

戒詩

筭方作竹多有萎者名之曰竹殤而弔以詩

裁袍

夕陽

灌花

嘲畏熱者

冰

六言四首

題駱秀才乞食歌姬院圖二首

造生壙

重赴泮宮詩有序

哭慶雨峯觀察有序

假山成題曰巫山十二峯

自嘲

書所見